

H 161¹

Einladung
zur akademischen
Feier des Geburtstages Seiner Majestät des Königs
W i l h e l m
von Württemberg

auf
den 27. September 1851
im
Namen des Rectors und akademischen Senats
der
königlichen Eberhard-Karls-Universität zu Tübingen.

Beigefügt sind:
Mittelniederländische Gedichte
herausgegeben
von

Heinrich Adelbert Keller,

Docent der Philosophie, Magister der freien Künste, ordentlichem öffentlichem Professor der germanischen und romanischen
Literatur und Bibliothekar an der philosophischen Facultät der Universität, Cybersus der martinischäferschen Stiftung
und Supraordinanten des Hochmannshofes in Tübingen, Präsidenten des literarischen Vereins in Stuttgart, Ehren-
mitglied des bayerischen Vereins von Universitäten und Hochschulen in Würzburg, ordentlichem Mitgliede der bayeri-
schen Gesellschaft für deutsche Sprache, correspondirendem Mitgliede des thüringisch-sächsischen Alterthumsvereins in Halle.

—•—•—

T ü b i n g e n ,
gedruckt bei Ludwig Friedrich Buch.
1851.

THE
JOURNAL OF THE
ROYAL ANTHROPOLOGICAL INSTITUTE
OF GREAT BRITAIN AND IRELAND
PUBLISHED BY THE INSTITUTE
11, BEDFORD SQUARE, LONDON, W.C.1

Volume 100
Part 1
1970
PUBLISHED BY THE INSTITUTE
11, BEDFORD SQUARE, LONDON, W.C.1

Auf den siebenundzwanzigsten September steht uns das Geburtsfest Seiner Majestät unsers allergnädigsten Königs und Herrn bevor. Zur Feier desselben wird nach beendigtem Gottesdienste der ordentliche Professor der katholisch-theologischen Facultät Dr. Aberle im Festsaale der Universität über einige ältere Versuche, den Krieg zu verbannen und den ewigen Frieden herzustellen, eine Rede halten, wozu alle Söhne, Freunde und Mitglieder unserer Hochschule hierdurch geziemendst eingeladen werden.

Die mittelniederländischen Gedichte, welche ich hiernach zur Öffentlichkeit bringe, sind so viel ich weiß bisher weder gedruckt, noch von der Literaturgeschichte erwähnt worden. F. J. Moene in seiner Übersicht der niederländischen Volkslitteratur älterer Zeit (Tübingen, Bues, 1838. S. 123) führt ein dem ersten ähnliches Gedicht auf mit dem Titel *ons heren passie*. Die Gedichte stehen in der Handschrift M. c. IV. 3, welche ich 1846 für unsere Universitätsbibliothek erworben habe. Das Buch ist auf Papier im vierzehnten oder fünfzehnten Jahrhundert geschrieben und gehörte früher dem St. Gertrudenkloster in Amsterdam. Die Schrift des Codex wechselt mehrmals, Bl. 25, 34, 35, 62^v, 63, vielleicht öfter.

Der Inhalt der Handschrift ist folgender:

1. Bl. 1—24 die Passion.

2. Bl. 25—33 ein Gedicht auf die Jungfrau Maria, anfangend:

Vischers hebben die manier
Dat sy kyesen een ruiner
Daer die vischen meest verkeren
Als sy lnette willen scheren
Ic die heyl der zielen zoec.

Schluß:

Kinder laet ons weder keren
Laet ons horen onse reden
Dat is dat rechte pat te treden
God gheef ons allen thest te ramen
Daer help ons toe Maria. Amen.

Explicit.

3. Bl. 34 ein lateinisches Beichtgebet, eine Seite, von späterer Hand. Anfang: *Pono domine custodiam ori meo.*

4. Bl. 35 ein Gedicht, in 4 Capitel getheilt, über das jüngste Gericht. Bl. 45 ist eine Stelle aus dem Dies iræ eingefügt. Anfang:

Dat ic dichten troec te hand
Spreken mi mijn vrienden scand.

Schluß:

Daer voer bescern ons allen tsamen
Des rechters goetheit amen amen.

5. Bl. 59^a. Hiernaec volghet een oefeninghe mede tot waerachtighe vrede te comen. Anfang Bl. 60:

Twaer haest ghenoech ghelesen

Ghescreyct end ghebeet.

Schluß:

Want wil wi vreed ghewinnen

Dit ist daert al an leit.

6. Bl. 61. Hoe men vortreggen vreed houden mach. Geistliches Lieb. Anfang:

In desen staet ghepresen

Die rechte heilicheit.

Schluß:

Die wees mi goedertieren

Om god mit sijn ghebeed.

7. Bl. 62. Gebicht geistlichen Inhalts. Anfang:

O mensch gheloefste mi te sijn

Soe waerlic in des brodes schijn.

Schluß:

Na sine wercken goet of quaet

Wel hem die dit te herten gaet.

8. Auf der Rückseite von Blatt 62 ein fast ganz verblasstes lateinisches Gebet.

9. Bl. 63 eine Regende. Anfang:

Uun der gracie gods ons heren

Soe soude ic v gaerne leren

Goede punten in vwen sin.

Schluß:

Dat gonne ons god die hemelsche vader

Segt amen alle gader.

10. Bl. 65 noch zwei Sprüche aus Hiob und Gregorius.

I.

(1) Die prologus dat is die voerredene van dit boexken.

O mensch, o edel creatuer,
Die bist ghemaect na gods figuer,
Sich an, hoe heeft di god ghemint,
Want hi sijn eengheborn kint
Woud liever voer di laten sterven,
Dan di van sinen rijk onterven.
Duncdi dan niet wel reedelic wesen,
Dattu hem dancher sijs van desen?
Mer wilste doen na minen raet,
Ic sel di segghen waert op staet.
Dit ist dat gode best behaecht,
Dat men sijn pijn int herten draecht
End pijnt altoes daer na te wercken,
Dar mach men rechte min an mercken.

Mer om so wil ic hier beduden
Sijn passiom den simpel luden,
Als si int ewangeli staet,
Des mi die heer wat leven laet.

(1b) **S**om dinghen wil ic over slaen,
Want si sijn pijn niet an en gaen;
Om coetheit doe ic dat alleen,
Dat men nu priset int ghemeen.
Al isset eens in rijm ghemaect,
Ten is nochtan so niet gheraect,
Dat ic daer mede bin tevreden,
Ic sel iu scriven bi wat roden:
Het dunct mi wesen veel te lanc,
Dat ic bewijs in deerst inganc,

Doe god in Symons huse was
End hi sijn jonghers preeet end las.
Dit leste vers is slechts gheset
Om dattet rimen sel te bet.
Voer die manier wil ic mi hoeden
In dit ghedicht na mijn vermoeden.
Oec meed so stater vele in,
Dat loghen is na minen sin.
Doe quam Maria Magdaloen,

- (2) So sondich wijf en was nye gheen,
God wouts, vroe morphen; ditsen een,
Want Jezabel die rale queen
Ghinc haer in boesheit verre boven,
Die bibel leest wil dijs niet loven.
Int ewangeli staet ghescreven,
Si was een sondich wijf van leven
End niet dat si die meeste was,
Als ic int ander boeke las.
Woud ic van Herodyas spreken,
Veel grover waren haer ghebroken,
Want meerre man quam nye van wive,
Dan dien si brochte van den live.
Al wil ic opte rijm wat achten,
Ic sel mi voer die loghen wachten.
Het waer te lang, dat wi bezaghen
Al, die mi in dat boec mishaghen.
Alleen so set ic hier die zaec,
(2b) Waer om dat ic dit boekken maec,
Dat is dat het sel hulpic sijn
Die gheen, die niet verstaen latijn
End oec dystori niet en wisten
Na inhout der ewangelisten;
Dien wil ic hier materi scencken,
Dat si wat hebben op te deyncken.
Voert meer begheer ic, mochtet wesen,
Dat oec die niet en konnen lesen

Hem selven hier mit vlijt toe keerden
End dat si dit van buten leerden,
Op dat si stadelic int hert
Hier bi ghedachten Jhesus smert.
Waert dat men song een ydel liet,
Die som en souden rusten niet,
Eer sijt te mael van buten leerden.
Twaer beter veel, dat si studeerden
Die passi ende daer op ghisten,
Dat si se doch van buten wisten,
(^{8b}) End pijnden die int hert te dregghen,
Daer alle vrucht is in ghelegghen.
Som menschen syn, die rimen laken
End segghen, dat si niet en raken
Te recht den synne cort end fijn;
Dien bid ic, dat si doch tlatijn
Mit desen rime overlegghen,
End sceel si veel, dat sijt dan segghen.
Nu bid ic dy, o zueto heer,
Verleen mi nu, dat ic begheer,
End laet mi scriven hier dijn zeer
Na tewangeli min noch meer!
Dyn graci wil mi neder zenden,
Dat ict tot dijne eer moet enden.

Hier nae beghint die passie ons liefs heren, als se bescreven is van
den vier ewangelisten.

(^{8b}) Op een tijt sciedet hier te voron,
Dat Jhesus seyde tot sijn vercoren:
Nae twee daech sellet syn die dach,
Dat ment paeschlam te eten plach,
Dan sullen mi die Joden vaen
End thant daer nae aat cruce slaen.

Doe was verguert die raet der Joden,
Om dat sie Jhesum wouden doden.
Hoer raet was, dat sijt ymmer hnden,
Dat gheen gherucht quaem voer den luden.
Daer nae quam Judas tot dien hoep,
Sijn meester veyld hi hem te coep
End vraechd, wat men hem gheven soud,
Of hine hem verraden woud.

Daer wort vercoft die zuete heer
Om dertich penning min noch meer.

(4) Des donredaechs tot Jhesum spraken

Sijn jonghers, waer si souden maken
Een avontmael, als was gheset
Vant paeschlam in der ouder wet.
Jhesus antwoerd, hoer meester goet:
U sal thant comen te ghemoet
TJherusalem al in die stat
Een man, die draecht een water vat.
Volcht hem, waer dat hi ynne gaet,
End segt: Het is des meesters raet,
Dat ghi hem toe bereyd een zael,
Daer hi mach doen sijn avontmael.
Doe ghinghen Jan end Pieter beyd
End vondet al, als Jhesus seyd.

(4b) Des avonts ghinc daer Jhesus in,
Alst was bereit, mit sijn ghesin.
Doe si daer aten tavontmael,
Stont Jhesus op end nam een dwael.
Hy leyd wat of van sine cleder
End gord hem mit die dwale weder.
Hy goet wat water in een becken,
Om dat hi woud oldwaen die vleckken
Al knyelende van hore voet.
O mensch, sich an, wat god nu doet,
Want hi hier op syn knyen leit,
Die conic is in ewicheit.

Mer doe hi Petrum woude dwaen,
Wort Petrus zeer te mael begaen.
O heer, seit hi, waschdi mijn voet?
(5) En derfs niet hengen, dat ghi doet.
Jesus seyd: Du en wets niet
Op dees tijt, wat dit werc bediet;
Mer namels selt di doncken beter.
Hier op antwoerde sinte Peter:
Mijn voet en selste wasken nijt,
Noch nu noch oec in gheenre tijt.
Do seyd Jhesus: Ic moet di dwaen,
Selstu mit mi dijn deel ontfæen.
Do seyd hi: Niet alleen myn voet,
Mer hand end hoof, dunctet di goet.
Als dit te male was ghedaen,
Toech Jhesus weer sijn cleder aen.
Hi at noch, na dat hi hem cliede,
End seyd hem, wat dit werc bediede.
Doe si dus aten, nam hi broot
In sine hand, tis wonder groot,
(5b) End benedidet mitte gane,
Sijn vader sprac hi lof end danc.
Dit is, seit hi, mijn waer lichaem.
Eet hier al of in minen naem!
Alleens deed hi na dees maeltijt,
Doe hi die wijn had benedijt,
Sprac hi oec lof end dancet sijn vader.
Drinct hier of, seyt hi, alle gader!
Dit is die kelc mit minen bloet.
Hoe dicke ghi dit selve doet,
Mijn huechneis suldi dan begaen;
Mijn passi warter bi verstaen.
Oec meed te wile, dat si aten,
Seyd Jhesus alle, die daer zaten:
Daers een van u, dat weet ic wel,
Die mi te nacht verraden sel.

- Als Jhesus spoken had dit woert,
(6) Doe grees hem allen voer die moert
End vrachden elc bi sonderling,
Of hem die boesheit overghing,
Oec vraechde Judas, of hijt waer.
Jhesus antwoord: Du segstet daer.
Doe bat sint Peter sinte Jan,
Dat hi doch vraechde om den man.
Johannes neychd hem tonsen heer
End vraechd hem stillic, wie dat weer.
Doe seyde hem Jhesus mitte ghang:
Die ist, dien ic wat broets nu lang.
End als was inghedoept dat broot,
Doe gaf hijt Judas Scarioot.
Als hi dat stuxken had ghegheten,
Doe wort hi rechtevoert beseten,
In welker tijt hem Jhesus seyde:
Dat du wils doen, dat doch gheryde!
(6b) Dat woert verstont Judas allien,
Anders en wist hoerre ghen.
Doe ghinc hi uut, al wasset nacht,
Om te volbrengghen sijn ghedacht.
Een lanc sermoen deed Jhesus daer,
Dat mi te veel te scriven waer.
Doe ghinghen si, dat suldi weten,
Al totten berch van Oliveten
End Jhesus seyde hem mittien:
Ghi sult te nacht al van mi vlien.
Tis so ghescreven, moet gheschien.
Symon en loofdes een noch ghen.
Hy seide: Heer, ic weet dat wel,
Dat ic niet van di vlien en sel.
Do seyde hem Jhesus sonder waen:
Eer twewarf craeyt te nacht die haen,
So selste mi driewarf verzaken.
(7) Hoe soud ik, seit hi, daer an raken

Den doot, die wil ic mitti doghen?
Al waert oec, dat si alle vloeghen.
Die ander oec algader seyden,
Sen soudn nemmer van hem sceyden.

Doe quaem si tot Getsemani.

Die berch voerscreven was daer bi.

Sit hier, seit Jhesus, ic wil gaen,

Thent mijn ghebode is ghedaen.

Drie van sijn jonghers sprac hy an,

Dats Peter, Jacob ent sint Jan.

Hy seyde: Mijn ziel is droevich zeer

Al totter doot, dien ic begheer.

Een weynich ghinc hi van hem drien

End neder viel op sine knyen,

Ya stolpeling in sijn aenschijn.

Och vader, seit hi, mach et sijn,

(7b) So nym van mi dees grote pijn.

Dijn wil gescie end niet die mijn!

Tot sijn discipels ghinc hi thant,

Al slapende dat hi se vant.

O Symon, seit hi, wat bediet?

Moechstu mit mi wat waken niet?

Nu bidt algader ende waect,

Dat gheen becoring u en naect.

Do ghinc hi anderwerwe weder,

End viel noch opter eorden neder.

Hi bat, als hi te voren deed,

Tot sine jonghers ghinc hi meed.

Als hi drierwarf dus had ghedaen,

Wort hi mit vresen so bevaen,

Dat van hem ran veel bloedich zweet,

Dat opter eerden neder gleet,

End ziet daer quam die enghel scoen,

Om hem te troesten van den throen.

(8) Een weynich wil ic hier nu toeven,

Om horen wil, die gloes behoeven.

Het is hier voertijts dic ghesociet,
Dat veel laud hadden groet verdriet;
Mer nie en las ic druc so groet,
Dat zwete mochte maken roet.
Nu moech wijt sien bi dese reden,
Dat god heeft alre meest gheleden.
Ey wopen over onse zonden,
Dat si ghenesen niet en condon!
Die heer en soudet so becopen,
Dat hi most zweten bloedich droepen.
Als dit te male was ghedaen,
Sprac Jhesus weer sijn jonghers aen
End seyde: Staet op, laet ons nu gaen!
Hier coem si die mi willen vaen.
Doe quam daer Judas mitter scaren,
Die uutghesent vant heerscap waren,
(86) Mit zwaerden, stocken ende pycken.
Judas die seyde hem een tycken.
Dien ic sel cussen, dats die man.
En twivelt niet mer! Tasten an!
Doe ghinc Jhesus den scaer te moet
End vraechd: Wie isset, dien ghi zoect?
Sy seyden: Jhesum Nazareen.
Jhesus seyde hem: Ic bin die gheen.
Doe word si alle zeer vervaert
End traden staphants achterwaert.
In onmacht viel si alle neder.
Wien zoecti? vraechd hem Jhesus weder.
Jhesum van Nazareth, seyde si noch.
Jhesus antwoerde thant: Seyde ict doch;
Te vanghen mi is dat iu zaec,
So laet mijn jonghers mit ghemaec.
Om dat hi had gheseyt te voren,
(9) Hy soud behouden sijn vercoren
Al gader, dan Judas allien,
Tis soo ghesociet, dat moech wi sien.

Doe quam Judas die vule hont
End custe Jhesum an sijn mont.
Hy seyde: Meester, ic gruete di zeer.
Wat wiltu, vriend? seyde Jhesus weer.
Do tasten hem die Joden aen
End namen wredelic ghevaen.

Die jonghers riepen tonsen heren:
Wil wijt niet mitten zwaerden keren?
Doe toech Symon sijn zwaert ghereet
End in den hoep van boven smoot,
So dat hi Malcus oer of sloech.
Doe seyde Jhesus: Tis ghenoech.

Dijn zwaert stec weder in sijn sceet!
Slaestu yet meer, du does mi leed;
Want wie dat mitten zwaerde vecht,

(9b) Vant zwaert sel hi vergaen te recht.

Weetstu niet, haed ic minen vaer,
Hy sende mi wel twalof scaer
Der enghelen, woud icket honghen?
Ho soud ic dan die scrift volbrenghen?

Doe nam Jhesus dat selvo oer
End settet an, alst stont te voer.
In deser tijt seyde hi den scaer:
Recht of ic waer een moerdenaer,
Soc coemdi hier, om mi te vaen.
Ic plach doch in der kerc te gaen,
End daer te preken mijn sermoen;
Doen wasser nyemant aldus coen.
Mer tis daer om aldus ghesciet,
Dat die scriftuer en loghe niet.

Doe liepen al sijn jonghers heen
End lieten Jhesum daer alleen,
Dien die vermaledide honden
Mit banden onghenadelic bonden,
End leyden eerst tot Annas an.

(10) Hem volchden Peter end sint Jan.

Die biscop kend sint Janne wael,
Daer om ghinc hi oec in die zael;
Mer Peter bleef daer staende buten.
Die deerne, die de doer soud sluten,
Aldaer vertalder Jannes meed,
So dat si Petrum binnen leed.
Doe dese deerne Petrum sach,
Beteech si hem, dat hi oec plach
Van Jhesus jonghers een te wesen.
Doe looch hi eens van groten vresen.
Annas die vraechde onsen here
Om sijn discipels end sijn lere.
Jhesus seyd hem: Ic plach te doen
Int openbaer al mijn sermoen
Ja dicwijl in der synagohen,
Daer al die Joden comen moghen:
Wat wilst mi al hier na vrughen?
Vraecht hem, di daer te comen plaghen
End hebben mijn sermoen ghehoert!
(104) Bidt hem, dat sijt di segghen voert.
Een quaet knecht stont daer mittie ghang,
Die Jhesum sloech an sine wang
End sprac hem spiteliken toe:
Hoe antwoerstu den biscop soe?
Jhesus seyd hem: Hebie misseit,
Bewijs mi dat mit goet besceit!
Mer isset, dat ic seyde wel,
Waer om soe slaeste mi so fel?
Doe leyde hi hem tot Cayphas,
Die doe die hoechste biscop was,
Bi wier was Pieter mitten ander.
Doe spraken si daer tot malcander:
Van Jhesus onghers is dit een.
Doe looch hi noch end seyde: Neen.
Daer nae seyd een van Malchus maghen,
Dien Peter toer had of gheslaghen:

- Tis waer, datstu sijn jongher bist.
Ic sach di mit hem in den twist
(11) Van desen avont, dats niet lanc.
Do vel hi derdwarf van den plane
End seyde: Ic nemet op mijn eet,
Dat ic niet van den man en weet.
Vermaledijdt so moet ic wesen,
Ist zaec dat ic bekenne desen.
Doe craeyede anderwarf die haen
End Jhesus sach sint Peter aen.
Thant ghinc hi uut ond weende zeer,
Om dat hy had verzaect sijn heer.
Doe sochten valsche tuch die Joden,
Waer meed si Jhesum mochten doden,
Maer ghene zaec si vinden conden
Van hem, die vri was van den sonden.
Twee tughen brochten daer na voert:
Van desen man heb wi ghehoert:
Ic sal den tempel gods vernielen
End die na drie daech weder hiel;
Welc tuch was valsch end onbequaem,
Want Jhesus seyde van sijn lichaem,
Dat hijt nae drie daech soud verwecken;
(11b) Dat woud si totten tempel trecken.
Die biscop vraechde hem alleen:
Wat antwoerstu tot dese reen,
Die hier die Joden bringhen voert?
Jhesus en gaf hem gheen antwoert.
Doe seyde hi: Bi den hoghen god
Bezweer ic di doch mijn ghebod
End seg mi clerclic, oft u bist
Die waer gods zone Jhesus Crist.
Jhesus antwoerde mit zaficheit:
Du hebset selve thant ghesceit,
Ghi sult mi sien na desen tyden
Bi gode an sijn rechter side

- End neder comen in die wolken,
Om daer te rechten alle volken,
Doe sneet die biscop sine kieren
End riep: Nu hoerten blasphemeren!
Wat wildi ander tuch begheren?
Uut sine woorden moechdijt leren.
- (12) Sy riepen al zeer onverduich:
Den doot is hi mit rechte schuldich.
Daer stont dat suete lam en zweech,
Al wat hem dat gheboeft betoech.
Daer stonden om die wrede honde
End elc versyerde dat hy conde
Die een die sloech hem om sijn wang,
Die aer bespoochen mitte gang,
Die derde die stieten mitten voet,
Mocht schien, of toech sijn haer onzoet,
Sijn schone hals soe sloech die vierd.
Hy was die best, die meest versterd.
Sijn aensicht deet si in dier nacht
End seiden: Raetten, die di slacht
O wi wat wort daer al bedreven,
Dat onghescreven is ghebleven!
Des morphens hilden si een raet
Van Jhesu, als ghescreven staet.
Doe leydsen tot Pylatus huus
- (13) End bleven buten staen quansaus,
Op dat si bleven onbesmet
End mochten eten nader wet
Vant broet ghebacken sonder ghest,
Waer of men in die bibel lest.
Nu wil ic setten hier wat glose,
Dat doe ic om die scrupulose,
Mi dunct, dat si den Joden slachten,
Die god te doden niet en achten.
Mer ghanghen in Pylatus hof,
Daer maec si conscienci of

- Dus maken som groet werc van niet,
 Mer dat si draghen quade viêt.
 End daer toe afterclappe enlien,
 Die sond en wroecht hem niet mit allen.
 Die glose wil ic laten bliuen
 End voert van Jhesus passi scriven.
Pylatus quam daer totten Joden.
 Waerom, seyd hi, wilt ghinc doden?
 Had hy, seyd si, gheen quaet ghewrocht
 (13) Tot di en hadwijs niet ghebrocht.
 Doe seyd hi: Rechten nu in wet.
 Sy seyden weer: Tis ons ghoet,
 Dat wi ghemant doden moeghen.
 End doe bestondse hem te wroeghen.
 Hi heeft, seyd si, dat volk verkoert
 Te gheven tijas heeft hi gheweert.
 Oec meed heeft hi den volc gheseit:
 Ic bin coninc in ewicheit.
 Pylatus ghinc tot onsen heer
 End vraechd hem, of hi coninc weer.
 Jhesus seyd hem: Dat ghi mi vraecht,
 Segdijt, of isset iu gheelnecht?
 Pylatus seyd: Du moechs wel weten,
 Dat ic gheen Joed en bin gheheten.
 Dijn volc die heeft mi di ghegheven
 Nu seg mi, wat du hebs bedreven.
 Mijn rijk en is op aertrijc niet;
 Daer om, seyd Jhesus, ist ghesiet,
 Want waer mijn rijk van hier beneden,
 (13b) Mijn dienres hadder voer ghestreden,
 Dat mi dit niet en had ghesiet.
 Mer bier en is mijn rike niet.
 Doe vraechd Pylatus openbaer,
 Of hi der Joden coninc waer.
 Jhesus seyd hem: Du segstot daer;
 Ic segghet di oec meed voerwaer,

Ic bin ghecomen in dit leven,
 Der waarheit een ghetuuch te gheven.
 Die van der waarheit comel voert.
 Die isset, die mijn stemme hoert.
 Als Jhesus dit hadde gheset,
 Doe vraecht Pylatus: Wats waarheit?
 End ghinc doe totten Joden buten.
 Aldaer begonsten si te wuten,
 Om dat hi seyde: En vind gheen zaec,
 Ic willen laten mit ghemaec.
 End seyden: Dat is niet te doghen,
 Hi hevet al dat volc beweghen
 Van Galileen tot dese stat.

- (14) Mer doe Pylatus hoerde dat,
 Dat Jhesus was van Galileen,
 Liet hine tot Herodes leen,
 Om dat Herodes daer was heer,
 Die hem te mael verblide zeer.
 In dien dat hien mochte zien
 End hoepte teyken te ghesien.
 Doe brocht hi vele vraghen voert,
 Mer Jhesus gaf hem gheen antwoordt.
 Daer stondse, die daer Jhesum brochten
 End wroechden alle, dat si mochten,
 End ziet, Herodes die versnaden
 Mit al sijn heer mit al sijn raden
 End senden tot Pylatum weer
 Ghecleet mit wit tot sijn omeer.
 Pylatus sprac den Joden an
 End seyde: Ghi brengt mi desen man
 Recht of hijt volke hat verkeert.
 Ic hebben wel examineert,
 Mer ic en vinde ghene zaec,
 Noch oec Herodes dien ic laec.
 (14b) Want siet ghi had hem daer ghebrocht,
 Mer van sijn doot is niet ghewrocht.

Hier om wil icken wat castyen
 End laten dan daer meed betyen.
 Tis u ghewoenlic, dat ic plach
 Een quijt te laten om praeschdach,
 Die om sijn hoeshheit is ghevaen;
 Wilt ghi, ic laet nu Jhosum gaen?
 Doe riep al datter was:
 Laet dees niet gaen, mer Barrabas!
 Een scaker wast, die was ghevaen,
 Om dat hi manslacht had ghedaen.
 Doe nam Pylatus onsen heer
 End gheselden ommate zeer.
 Oec namen doerne sine knechten,
 Daer si een scarpe croen of vlechten.
 Dien dructen si op sine hoeft
 End riepen tsamen al tgehoeft,
 Oec set si in sijn hant een riet,
 Om dat hi hem een coninc hiet,
 (15) Si toghen uut van sine cleer
 End cleden doe mit purper weer,
 Hoer knyen boghen si in spot
 End baden an recht als een zot.
 God gructs di, coninc; seyde si meed.
 Mit slaen mit spuwen dedden weed.
 Al isset dat ic haest ten eynd,
 Hier toef ic wat om dit ellend.
 O mensch, hier zit om dinen wil
 Dijn zuete god end zwijghet stil.
 Van doerne heeft hy enen hoeft,
 Bi sine wanghen druupt sijn bloet,
 Hi heeft an sine hant een riet,
 Mit purper is hi meed ghecliet.
 Mit neychden hoeft, mit scamel oghen,
 Van snotlich quijl is zeer bespoghen.
 Hoe moechstu nu dijn franen bouwen
 In dit ontfermelic nenscouwen?

- Ghedenc doch, dattu bist een zaec.
 Van desen groten paghomaec.
 End pijn di altoes te vermaeren.
 (154) Als hem dijn heer dus laet hanteren.
 Na dat si dus mit Jhesu guten,
 So ghinc Pylatus weder buten
 End heeft hem Jhesum daer gheleent
 Also ghecleet end so ghecroent.
 Nu siet hier, seil hi, desen man,
 Daer ic gheen zaec in vinden can.
 Doe riepen starkelic die Joden,
 Dat men ant cruce soude doden.
 Neemt ghinc, seil Pylatus weer,
 End crunsten self na in begheer.
 Hy heeft, seid si, verboert sijn leven,
 So ist in onse wet ghescreven,
 Want hi hem selven hiet te wesen
 Die waer gods zoen, daer wi of lesen.
 Doe wort Pylatus meer begaen
 End leyde Jhesum noch van daen
 Weer in sijn raethuus van den scaer
 End vraechd hem naerstich, waen hi waer
 Jhesus zweech stil end lieten praten.
 Doe seyde hy noch: Hoe dorstuut laten,
 (16) Dattu mi niet en wils toe spreken?
 En weetste niet, dat ict mach wreken
 End mach di nu ant cruce slaen
 Of oec mach ic di laten gaen?
 Jhesus seyde hem: Woudstu mi loven,
 Waer di dat niet verleent van boven,
 In mi en hadste ghene macht,
 Daer om die mi tot di hier bracht,
 Die heeft ghedaen veel meerre zond.
 Pylatus zocht noch steend end stond,
 Op dat hi Jhesum mocht verdinghen.
 Doe woud si hem mit dreyghen dwinghen.

End seyden: Laetstu desen gaen?
Die keyser selt hem trecken aen,
Want wie dat hem een coninc hiet,
Dats keyzers viant end doet hem liet.
Pylatus die bestont te niêrcken,
Dat hi den keyser mocht verwercken,
Waert zaec dat hine liete gaen,
End wort mit vrese meer bevaen.
Doe leyd hi hem int rechte buten,
Om dat hijt vonnis woude sluten,
End seyde: Ziet in coninc hier!

- (16b) Si riepen noch die self manier,
Dat hine en dat crûs soud vesten.
Pylatus die sprac noch ten besten:
Sel ic dan crûcen u coninc?
Mer si en achtent naet en twine,
Gheen coninc heb wi, seyd si weer,
Dan onsen keyser onsen heer.
Pylatus doe hijt had bezocht,
Dat hi dus niet bedriven mocht,
Mer dattet maect meer quaet ghebaer,
Doe nam hi water voer den scaer,
Daer hi sijn hande mede dwoech,
End seyde: Sijns bloets bin ic ônscoech.
Sijn bloet, seyd si, end dese hinder
Neem wi op ons end onse kinder.
Doe stac hi doer sijn conscienci
End gaf een gruwelic sentenci,
Dat men Jhesum ant crûs soud slaen
End Barrabas soud quite gaen.
Thant toech si uut dat purper cleet
(17) End hebben Jhesum unghelêet.
Sijn cruce gaef si hem te dregghen;
Mer hem ghemoete onder wegghen
Een man, die hieten was Synoen,
Dien dwongghen si, dat hijt soud doen.

Daer volchden na devote vrouwen
 Seer wenende mit groten rouwen.
 Jhesus sach om end seyde hem:
 O dochters van Jherusalem,
 Wilt niet bescreyen mine hinder,
 Mer screyt op u end op u kinder!
 Die tijt, die sel noch namels wesen,
 Dat men sel salich lieten desen,
 Die sonder kinder sijn ghebleven,
 End borsten, die ghenen zoe en gheven.
 Dan sellen si totten berghen segghen:
 Valt neer end gaet doch op ons legghen!
 Want were si dit int houte groen,
 Wat sel si dan int doere doen?
 Doe si Calvarien ghenaceten,
 Dat cruus die zomme rede naeceten,
 Die ander toghen uut sijn cleet,
 (17b) Die in den wonden elscelden seer.
 End ziet, doe cranst si Jhesum daer
 Twischen twee spode moerdenmer.
 Jhesus die seide dit sermoen:
 Och vaer, vergif hem, die di doren
 Want waerlic si en weten nijt,
 Wat si bedriven nu ter tijt.
 Een wenich wacht, ic sel di leren,
 Hoe du hier suls ymagineren,
 Want wasset, dat sijt cruce rechten,
 Eer dat si Jhesum daer an hechten,
 End Jhesus op een ladder clam
 So langhe, want hi boven quam,
 So sich hoe men daer hanghen liet,
 Deen hant ghenaghelt dander niet,
 Thent dat die ander wart ghevest,
 Daer nae die voeten alre lest,
 Mer wasset, dat si Jhesum hechten,

Eer si dat heilich cruce rechten,
 Soe sich, hoe hi opt cruce leyt.
 (18) End armen, voeten self uutreyot,
 Die hi daer sonder wederspreken
 Mit plompen naghels liet doersteken,
 Daer vleysch an cleefde, vermoed ic voer,
 Ghelijc dat pit doet an een boer,
 End hoevent cruce op mit macht,
 Dat si neer stieten so onzacht,
 Dat sine wonden mosten widen,
 Van dat onzachte neder gliden,
 Doe liep dat coninclike bloet,
 Van allen sins, als water doet,
 Sich, mensch, nu hebste twee manieren,
 Want anders gheen can ic versieren,
 Van desen tweeën isset een,
 Dat weet ic wel, end anders gheen,
 Voerwaer het is een stenen hert,
 Dat niet en wiet van desen smert,
 Want hi hier hanct al moedernaect,
 Die aerd end hemel heeft ghemaect,
 End doecht so gruwelike pijn,
 Die nut te spreken niet en sijn.
 (18b) Wie is mit zware sond bevaen,
 Hi coem, ic wil nu mit hem gaen.
 Och lieve mensch, wil niet mishopen!
 Jhesus en sel di niet onthopen.
 Hy staect ghespykert an dat cruce;
 Wanneer du coems, du vinsten thuus,
 Sijn armen heeft hi wijd ondaen,
 Om dat hi di wil omme vaen,
 Hi biet sijn mont, sijn hoeft zijcht neer,
 Te cussen di is sijn begheer.
 Sijn zide is oec door ghewoent,
 Daer hi di toent sijn zuete gront.
 Wi wetet, die de bibel kent,

Dat Moyses recht een serpent;
Wie dat aensach, die wort ghesont,
Hoe dootlic, dat hi was ghewont.
Loof mi, dit self sel di ghescien,
Constu hem hier te deghen sien.
Nu val doch neder opter aerd
End cussiet cruus mit groter waerd!
Nymt ynnichlic in dinen armen!

(19) Ic weet, hi sel hem dijs ontfemen.

Och zuete vader, zuete heer,
Tot Noe sprakeste wijlnoer:
Als ic den hemel sel betrecken
Mit swartheit end mit wolken decken,
Mijn reghenboech sel ic dan toenen,
Om te ghedencken dit verzoemen,
Dat ic hier mit di overdraghe,
Op dat ic di niet meer en plaghe.
Och vaer, sich dese lieve hoghe,
Die hier ghespannen is so hoghe,
Dat al sijn leden, al sijn zenen
Bi na gescheyden sijn van enen,
End dencke dijn ontfemenis,
Die recht bi onse zonden is,
Als bi een dropel is die zee,
End wil vermits dit grote wee
Dijn zuete herte ons opluken,
Dat wi doch dijn ghenaed ghebruken.
In tewangeli staet dit niet;
Een ander isset, diet bediet.
Pylatus screef een tytelkijn
In griex, hebrieus end in latijn,

(19b) Dat hi ant cruce boven set:

Dit is Jhesus van Nazareth
Der Joden coninc, screef hi tsamen.
Welc scrifte wouden si uut plamen.
End seyden: So en scrive niet,

Mer scrjff, dat hi hem coninc hiet.
Dit antwoert heeft hi weer ghegheven:
Dat ic daer screef, dat heb ic scroven.
Die ridders namen sine klyeren
End hebbense ghedeelt an vieren;
Mer van deen rocke sonder naed
Daer worden si so of ternaed,
Dat si se niet an stueken deelden,
Mer dat si daer mit loot om speelden.
Dit is daer om aldus ghesiet,
Want een propheet hadt so bediet.
Dat volke stont daer mit behende
End wachten om te sien dat eynde.
Bijt cruus so ghine daer dat gheboeft,
Die riepen ende scudden thoeft:
Vach die gods tempel breken mach
End bielen opten derden dach!

- (20) Die vorsten, die dat volc beleyden,
Die gabden tsamen ende seyden:
Hi heeft den anderen ghenesen,
Mach hi hem self niet hulplic wesen?
Is hi coninc van Israhel,
Hi clim nu of, soe loof wijt wel.
In god was al sijn toeverlaten,
Hi coem hem of hi wil te baten.
Die scaker an sijn luffer ziden
Sprac hem oec laster van sijn liden:
Bistu gods zoen, doe uns dat kont
End maec di self end ons ghesont.
Doe dat die ander scaker hoerde,
Berasp hi hem mit dese woerden:
Noch du ontzietste gode niet,
Al biste in dit self verdriet.
Te recht heb wi den doot verdient,
Mer dit is ymmer godes vrient;
End keerd hem doe tot onsen heer,

- Dien hie aanbadt mit rouwen zeer.
Ghedenc mijns heer ghenadichlijc,
Wanneer du comes in dijn rijc.
- (206) Doe seyde Jhesus, weer tot desen:
Du selster huden mit mi wesen.
Bijt cruce stont in groten rouwen
Die moeder sijn mit ander vrouwen.
Doe Jhesus sach sijn lieve moeder
End oec sint Jannen haer behoeder,
Heeft hi ghesproken dit sermoen
End seyde: Wijf, sich hier dijn zoen!
Daer na sprac hi tot haer behoeder
End seyde: Jan, sich hier dijn moeder!
Doe nam hi se van deser tijt
In sijn behoed mit groter vlijt.
Och zuete maget, waerde vrou,
Ic moet wat scriven van dija rou!
Wie zoud dijn zeer unspreken moghen,
Als du daer saghes voer dijn oghen
Dat zuete vleysche daer so hanghen,
Dat van dijn lichaem was ontfanghen
So zeer bebloet, soe zeer mishandelt,
Dat al sijn faci was verwandelt.
Dijn herte wort so dic ghewont,
Als si hem quetsten in dier stont;
- (21) Du zaechste naghels in hem steken,
Diestu niet uut en mochtet breken;
Du zaechsten naecte voer di hanghen
End mochtet hem gheen dranc toe draghen.
Nochtan so bin ic des wel vroet,
Du hads hem ghaern ghescenct dijn bloet.
Dat woert doersneet dijn herte diep,
Doe hi tot sinen vader riep,
Om dat hi was ghelaten al,
Dien hi sijn gheest daer na beval.
Hoe mochte dat dijn herte doghen,

Dat hi daer starf voer dijn oghen!

Wet is naturlic, als wi lesen,

Dat droefheit minre plach te wesen,

Die veel personen tsamen dreghen;

Mer dat en hebste niet verereghen,

Want opter aerd en was hi niet,

Daer du meed deelste dijn verdriet.

Al wasser som, die hem bescreyden,

Van dinen rou wast ver versceyden,

Dit kijnt en had hier ghenen vaer,

Die mitti screyd, dats openbaer.

(21^b) **D**apostels waren oec bedroghen

End van tghelove al ghevloghen.

Die werlt al die dwaelde meed,

Du waers alleen die hildes steed.

Och droevich moeder, dese smert

Die droech alleen dijn rouwich hert.

Mi wondert, dattet niet en brac

Vermits dit grote onghemac.

In allen desen groten rouwen

Hebstu nochthant di so onthouden,

Dat nergent die scriftuer beduut,

Datstu daer sloechste ye ghelut,

Oec meed en heb ies nye ghehoert,

Dattu daer spracste enich woert.

Waer sijn si nu, die altoes claghen,

Als hem weerstoets steedt te draghen?

Waert dat si dit te recht in namen,

Si mochten hem mit reden scamen.

Ne lasset, dat ic scriven sel,

(22) **A**l wist sijt lang te voren wel,

Dat hi dus zwaerlic sterven zoud,

Nochtant so was si ons so houd,

Dat sijt hem nye en dorst ontraden,

Om onse oerber niet te scaden.

So heft si onse heyl ghemint,

Dat si ons gaf hoer lieve kint,
End wouden liever laten sterven,
Dan wi sijn rijke souden derven.

Och zuete moeder, wil ons seeneken
Al hier dijn droefheit so te dencken,
So dat wi ons na desen tyden
Mit di in ewicheit verbliden.

Nu wil ic dees materi laten
End weer die texte ane vaten.
Van sessen voert tot neghen toe

Wast donker op al aertrijc doe;
Mer recht omtrent doe noen began,
Riep Jhesus luid sijn vader an:

(224) Mijn god, mijn god, op welker maten
Hebstu mi aldus zeer ghelaten?

Daer nae, doe Jhesus overdocht,
Dat die scriftuer was al volbrocht,
Heeft hi oec meed dit woert gheselt:
Mi dorst. End ziet, daer stont bereit
Een vatken volle mit azijn;

Daer doopten si een sponsgi in,
Die si hem langden an een riet.
Mer doe hijt proefd, en woud hijt niet.

Doe seyde hi: Consummatum est,
Het is volbrocht al, dat men lest.
Doe riep hi noch mit luder kele
End seyde: Vader, ic bevele
In dine hand mijn gheest gheheel.
Doe sceyd van hem die edel ziel.

Thant is des tempels cleet ghebroken,
Der doden graef sijn opgheloken
End al die werlt bestont te claghen,
Dat si sijn doot niet mochte draghen.
Die aerde beeft thesteente scoerde,

(25) Veel doden lichamen gheboerde,
Dat si verresen claerlic meed

End quamen in die heylich steed,
Die veel luud zaghen, als wi lesen,
Nae dien dat Jhesus was verresen.
Centurio, die dit sach aen,
Die wort mit vresen zeer bevaen
End seyd: Dit was die waer gods zoen,
Die dese teyken mochte doen.

Oec mede die ander scaren,
Die daer om kyken comen waren,
Die keerden om te huus warts weer
End sloghen voer hoer borsten zeer.
Die Joden om hoer groot hoechtijt
Die aen stont so buden sijt,
Of hem Pylatus woud verlenen,
Dat men tebrake hare benen,
Op dat men se vant cruus soud brengen,
Dat si daer shoechtijts niet en henghen.

Mer doe si weer tot Jhesum quamen
End claerlic sine doot vernamen,
(23b) Enbraec si hem sijn benen niet,
Als beyden scakers was ghescoet,
Mer een van hem die nam een speer
End stac daer mede onsen heer

In sine zijd een wonde diep,
Daer water ende bloet uut liep.
Jhesus discipel sinte Jan
Diet sach mit sine oghen an.
Die heeft ghetuuch hier of ghegheven
End heeft self aldus bescreven.
Die weet, dat hi die waarheit seit
Op dat ghijt loeft bi dit besceit.
Dit is daer om aldus ghevalen,
Dat word volbrocht die scrift mit allen.

Hier na Josep van Arimathyen
Diet openbaerlic niet woud lyen,
Dat hi toe hoerde onsen heer.

Die bat Pylatum alle zeer,
Dat hi hem Jhesus lichaem gaef
End hengde dat hijt brocht te graef.
Pylatus vraechd een ridder daer,
Of Jhesus oec ghestorven waer.

- (24) Als hijt certheyn so had bekend,
Doe gaf hi Joseph sijn consent.
Joseph die had een elect ghecocht,
Dat hi tot Jhesum mit hem brocht,
End Nycodemus, die bi nacht
Eens quam tot Jhesum, heft ghebracht
Van gueder salf bi hondert pont.
Doe won si Jhesum of ter stont,
Dien sie int zuver cleet bewonden,
Mit salf, als si bequaemste condon.
Joseph die had een graf daer staen,
Int selve hof niet ver van daen;
Daer leydsen in end ghinghen heen
Na dat sijt decten mit een steen.
Nu heb ic, so ic cortste mocht,
Bescreven, als ic had ghedocht,
Mijns heren passi end sijn pijn
End bid god end al die sijn,
Heb ic ghescreven, alset hoert,
Dat sijt doch willen setten voert;
End heb ic erghent qualic screven,
(24b) Dat sijt mijn simpelheit toe gheven.

• Och zuete Jhesu, zuete heer,
Wat sellen wi di gheven weer
Voer dese grote caritaet,
Die ons dijn passi bliken laet?
Voerwaer ghescit en weet gheen beter,
Dan dat beschrijet sinte Peter.
Ghepijnt is Cristus boven malen
End heeft exempel ons ghelaten,
Sijn paden oec na hem te treden.

Och heer, is dit niet grote reden,
Wil wi hier na mitti regneren,
Dat wi nu mitti liden leren.
Laet wi ons keren alle gader
Tot onsen god tot onsen vader
End bidden, dat hi ons wil stercken,
Dat wi mit herten end mit wercken
Die passi moeten hier so draghen,
Op dat wi hem gheheel behaghen
End comen moghen namens tsamen
In sijn pelaes hier boven. Amen!

AMEN.
DEO GRACIAS.

II.

(63) Van der gracie gods ons herren

Soe soude ic u gaerne leren
Goede punten in uwen sin,
Mer want ic een sondaer byn;
Voer onse siel soe sellen wi sorgen,
Want wi en hebben ghenen morgen
Niet soe seecker als die doot.
Hoert van 'eenen sondaer groot,
Die jonck was ende lustich mede,
Die god nie gheen dienste en dede,
Noch Maria doer hoer eor,
Die werlt hanteerde hi harde heer.
Op een kerekhof quam hi ghegaen,
Om god en wast hem niet ghedaen.
Doe hi in die kercke tradt,
Doe sach hi dat die priester sadt,
Hi sach, dat die luden spraken heer biecht.
Het quam hem in sijn ghedacht,
Dat hi woude spreken sijn biecht mede,

(63b) Want hi sach dat ander luden deden.

Hi seyde: Benedicite, end knielden neer.
Dominus, antwoerde die heer.
Doen hi veel hadde gheseyt,
Dijn u dese sonden leyt?
Sprack die heer.
Neen se, seydo hi myn noch meer,
Ic en mach vasten noch bidden noch lesen;
Mer als ic een out kuert sel wesen,
Van teestich jaer end ont man,

Soe wil ic god dienen dan.
O sot, waenstu soe langhe te leven,
Dattu een out man selse wesen,
Van tsestich jaer een out man?
Meenstu berou van sonden te crighen dan?
Ic sel di twee punten in dijn hert scriven,
Du moechste dan mede behouden bliven.
Ja si mochten soedanich wesen.

Die priester seyde se hem mit desen:

(64) Gen sondaer, die veel heeft misdaen,

Wil hi penitentie daer voer ontfæen
End niet langher in die sonde dueren,
So ontfermt god tot allen uren,
Een sondaer en sel niet wesen wreet,
Altijt sellen hem sijn sonden wesen leet,
End schuwen die sonden voert meer.

Nu hebstu die punten twee,
Ic selre om dencken, sprac die jongelinc.
Die absolutie hi ontfinc.

Des andern daechs het ghevel,
Die knaep al in dat water vel,
Hi riep soe lude: Heer,
Mijn sonden rouwen mi soe seer.
In die kercke, daer dat was,
Sadt die priester ende las,
In die kercke, daer ic van seyde,
Daer sadt die heer in sijn ghetiden,
Doe sach hi over an die ander side,

(64b) Daer sach hi een columpae staen,
Die docht hem an den hemel gaen,
Barnende onsteken als een vuer,
Daer in gheteckyent een creatuer.
Die priester wart soe seer vervaert,
Hi keerde sijn hert tot gode waert:
O almachtich god, staet mi bi,
Maria, moeder gods, bidt voer mi!

Daer du staeste, soe seer onsteken,

Moechstu niet spreken?

Ja ic, heer, ic bin een man.

Wie bistu dan?

Laet u ghedencken over menich jar,

Dat ghi gheseten waert al daer,

Op die stede, daer ghi sidt nu,

Mijn biechle sprac ic teghens u

Gaerlick van mijn sonden,

Doe hiet ghi mi ter selver stonden

Twée punten in mijn hert scriven,

(65) Ic mochter mede behouden bliven.

Die punten heb ic onthouden, als ic best mach.

Ja, kijnt, dat was ghister opten dach.

Ja, heer, is dat waer?

Dat dunct mi wesen menich jaer,

Een oghenopslach dunct mi twee uren.

In dese pijn soe moet ic dueren

Spade ende vroe

Tot doemsdaghe toe.

Knaepgen, mi ontfermt u doghen,

Soude ic u niet helpen moeghen

Cortelijck,

Dat ghi quaemt in hemelrijck?

Ja, herre, wout ghi dat doen,

Want waer dar enich priester of persoen,

Die alle vridaghen een mis vor mi woude horen,

Soe soude ic in hemelrijck varen.

Die priester namt an aldar ter stede,

Woer hem te bidden als hi dede.

(65b) Doe dat jaer om ghecomen was,

Doe sat die priester ende las

In die kerck, daer ic van seyde,

Dar quam soe grote claerheyde.

Daer sprack een stem ter selfder tijt:

Heer, ghi moet sijn ghebenedijt,

Ghi hebt mi verbeden.
 Ic vaer in hemelrijck noch 'heden.
 Dat gonno ons god die hemelsche vader!
 Segt Amen alle gader!

Bemerkungen.

Denselben Inhalt wie das erste Gedicht hat auch ein unkl. Stück, das Hoffmann, Bonner Bruchstücke des Dtf. S. xix erwähnt.

5*, 7 ? danc.

10*, 14 ? jongers.

14, 18 ? hi 't v.

15, 5 ? mee: wec E. v. Kaster.

16*, 5 ? niet en twint R.

18, 13 ? visieren R.

21, 3. Darauf scheinen zwei Zeilen zu fehlen.

Das zweite Gedicht berührt sich mit der Erzählung vom Mönch Felix. Altheutsche Wälder 2, 70. Colecj. Gedeg S. xj. Gesamttafentener 1, lxvij. 2, cxxvij. Ähnlich ist auch eine Darstellung in W. Irvings Skizzenbuch.

65, 19 ? Voer.

